



Dus cussegliers nazionals cun la presidenta dal cussegl grond: Tarsizius Caviezel, Christina Bucher-Brini e Hansjörg Hassler (da san.).



L'actual director dal departament da construcziun da noss chantun cun dus da ses antecessurs: Luzi Bärtsch, Mario Cavigelli e Stefan Engler (da san.).

FOTOS G. N. STGIER

Pitga impurtanta da nossa economia

Festa 75 onns Ems Chemia

DA GION NUTEGN STGIER / ANR

■ **Bunamain 250 gratulants han fatg onur a la giubilara, ditg auter a la pli gronda interpresa grischuna, per ses giubileum. Senza l'Ems Chemia na fiss il Grischun betg pli il Grischun, ha ditg cusseglier guvernativ Martin Schmid. Avert sias portas ha era l'exposiziun da giubileum ch'è publica.** Trais personas e traies interpresas han scrit istorgia en ils 75 onns da las uschenumnadas «Ovras da Domat». Ina da quellas personas è Werner Oswald, che ha clamà en vita il 1936 l'interpresa «Howag SA». Lura Christoph Blocher che ha procurà per il grond svilup da l'interpresa grischuna e suenter il 2004 Magdalena Martullo-Blocher che segna sin l'entir mund per il success actual da l'Ems Chemia. Venderdi saira è stà l'act festiv dal giubilum da 75 onns da l'interpresa e da la partida en stads blers represchentants da las instanzas politicas, da l'economia ed amis da la famiglia Blocher. Il «chau» da la famiglia, Christoph Blocher è sia figlia, Magdalena Martullo-Blocher, han retschet mintga singul personalmain e gi plaschair che tants en suandads l'invid. Ina saira nua che per ina giada betg ils affars en stads en il center, mabain la cumpagnia ed il divertiment.

«Cuntinuai uschia»

Tranter ils blers gratulants è er stà cusseglier guvernativ Martin Schmid. L'Ems Chemia segna per qualidad, diligenza e fidaivladad, ha ditg il president da la regenza. El ha er ditg che la regenza grischuna stettia er en l'avegnir davos l'interpresa dinamica ed innovativa. Martin Schmid è era sa dumandà nua che l'industria grischuna fiss actualmain senza l'Ems Chemia? El ha er ditg a Magdalena Martullo-Blocher, la patruna da la firma, da cuntinuar uschia. Beatrice Baselgia, la presidenta communal da Domat, ha engrazià er en num da las sis vischnancas vischinas a l'interpresa ed a ses patruns per il grond engaschi per la regiun. Era Theo Haas, il president da la vischnanca burgaisa da Domat, ha gratulà a la giubilara e be ludà la buna collavuraziun cun l'Ems Chemia. Christoph Blocher ha ditg che tuts quels ch'enconuschian la realitad hajan success. El ha er ditg che tar l'Ems Chemia saja la cultura d'interpresa anc oz da gronda impurtanza. L'antierur cusseglier federal ha er anc ditg che glied iniziativa mainia tar il success. Per ses pled en ina moda plitost umoristica ha el retschet in ferm applaus.

A Domat lavuran 1000 personas

Oz produtgescha l'Ems Chemia cunzunt material sintetic che vegn duvrà en spezial en l'industria d'autos, da telefonins,

d'uras e d'apparats per il tegnairchasa euv. A Domat lavuran 1000 personas per l'Ems Chemia e vitiers vegnan anc 140 emprendists. Ultra da quai occupescha l'interpresa anc ulteriuras 800 personas en tut las parts dal mund. «Nus avain bunamain 4000 clients e grazia a quels fashain nus ina svieuta dad 1,2 milliardas francs», ha ditg Magdalena Martullo-Blocher. Bunamain 65% dals clients derivan da l'Europa, 25% da l'Asia e 10% dals Stadis Unids da l'America.

Mintga quart

Dals emploiads che lavuran a Domat en 880 Svizzers e da quels en 95% da noss chantun. Cunzunt da Domat e conturn e da la Surselva deriva la gronda part dal personal da l'Ems Chemia. Gist 29 nazziuns lavuran di per di e quai durant 24 uras per producir annualmain 110 000 tonas material sintetic. Ils radund 1000 emploiads han 590 uffants e derivan da 150 vischnancas. Mintga quart emploià è pli che 20 onns tar la firma grischuna da renum mundial. L'on passà ha l'Ems Chemia gi ina summa da pajas da radund 100 milliuns francs. En noss chantun è l'interpresa il pli grond patron privat.

Per in onn èsi er pussaivel da visitar l'exposiziun da giubileum 75 onns Ems Chemia. Annunzias per telefon 081 632 78 78 (Pascale Beer).



Giast da Silvia Blocher è er stà l'antierur cusseglier guvernativ Alois Maisen.



Tranter ils giasts er Theo Haas (san.), il president da la vischnanca burgaisa da Domat, e Heinz Brand, schef da l'uffizi da polizia.



Hans Tellì, l'antierur deputà da Trin.



Martin Schmid ha tegnì il pled da festa.



Magdalena Martullo-Blocher (san.), la directura da l'Ems Chemia, e Beatrice Baselgia, la presidenta communal da Domat, scrivan en il cudesch da giubileum da 75 onns da l'interpresa.



Da la Banca chantunala è stà a la festa Alois Vinzens (san.), il director. Qua cun Dumeni Columberg, l'antierur cusseglier nazional ed actualmain president communal da Mustèr.